

# *Хар газрт үвлэджэх хөөчнрэг цуг кергтэ хамгарнь теткх кергтэ*

Элст балгъсна, Сталинэ нер-  
тэ колхозин оln отармуд Хар  
газрт үвлэджэнэ. Тер отарму-  
диг оln хөөчнр хэлэдж хардж  
йовна. Эднэ бээдл-джиргълиг  
авад хэлэхлэ дегд сэн биц.

Хар газрт үвлэджэх хөөчн-  
рин болн теднэ күүкдин эрүл-  
мендин харлгъна эмчин пункт  
уга. Керм Сталинэ нертэ кол-  
хозин хөөчнр болн теднэ гер-  
бүл гемтсн цагт 18—20 кило-  
метр газрт оч бийэн эмнүүлц-  
хэнэ. Зэрмдэн оч бийэн эмнүүл-  
хэр седхлэ көлгн чигн уга  
болдж гарна.

Хөөчнрт кергтэ эд-тавр, хус-  
тг, тэмк, хот-хол болн нань  
чигн кергтэ тоот юмс колхо-  
зин складт уга болдж гарна.

Дакад Хар газрт үвлэджэх  
хөөчнрин гер-бүл болгънд сур-  
гъульд орх наста бичкдүд оln  
бээнэ. Болв күүкд сурх школ  
уга болсн учрар эн джил күүкд  
сургъуль дасджахмн уга.

Цуг эн деер келгдсн дуту-  
дундсиг үзэ медэ-бээсн бийнь  
колхозин ахлач эс медсн бо-  
лад, кергтэн авлго бээнэ. Те-  
гэд Хар газрт үвлэджэх хөөч-  
нрин бээдл джиргълиг ясрул-  
хиг колхозин эклц партийн  
организацас некхмн.

**БОРДАН БАСНЪГ.**